

DISSERTATIO ACADEMICA,  
DE COGNATIONE LINGUARUM  
GRÆCÆ ET TEUTONICÆ,

---

QUAM,

VENIA ORDINIS AMPLISSIMI PHILOSOPHORUM  
AD AURAICUM INCLYTUM ATHENÆUM,

AD PUBLICUM DEFERUNT EXAMEN

*HENRICUS LONGSTRÖM,*

*Phil. Doct. & Artt. Libb. Mag.*

*Nylandus,*

ET

*ANDREAS JOHANNES SJÖGREN,*

*Viburgensis,*

*Stipendiarii publici.*

In Audit. Philos. die IX Decembr. MDCCCXV.

b, a, m. s.

---

A B O Ä, Typis FRENCKELLIANIS,

DE COUNTRY LIFE  
IN ENGLAND

607A

THE COUNTRY LIFE IN ENGLAND  
BY THOMAS HENRY ADDIS

AT THE UNIVERSITY PRESS LONDON

ARMED FORCES IN ENGLAND

BY RICHARD COOPER, M.A.

LONDON

TT

THE COUNTRY LIFE IN ENGLAND

BY THOMAS HENRY ADDIS

SIXTH EDITION REVISED

IN THE LIBRARY OF THE UNIVERSITY OF TORONTO

P. 6. 1. 2.

---

ARMED FORCES IN ENGLAND



ἵ μὲν γὲ τῶν αναγραφομένων αρχαιότης δυσεύ-  
ρετος ἔστι πολλὴν αἰτορίαν παρέχεται τοῖς γράφεσιν.

DIOD Sic.

**U**t, humanumne inventum lingua sit habenda,  
an ipsum Creatorem proximum agnoscat auctorem,  
in utramque a philosophis disputatum est partem *a)*,  
ita nec plane inter eos convenit, utrum omnes in  
**A** uni-

- 
- a)* Inter eos, qui in priorem abierunt sententiam, memorandus est J. P. SÜSSMILCH opere suo: "Versuch eines Beweises, dass die erste Sprache ihre Ursprung nicht von Menschen, sondern allein vom Schöpfer erhalten habe. Berlin 1766." — Cfr. quod de Illo disserit J. G. EICH-HORN, *Geschichte der Litteratur V. B. I. Abth. p. 2.* — Verum J. G. HERDER, multis nominibus inclytissimus, "über den Ursprung der Sprache, Berlin 1772", & J. B.

universum linguæ ab una eademque matre sint prognatæ, an ad plures sese referant parentes b). Quod quidem in certum perductum unquam iri, jure est diffidendum. Res enim eo recedit, ubi vires humanæ priscarum rerum monumentis destitutæ suum investigatori antiquitatis denegant adjumentum. — Quicquid est, omnes tamen mortaliū cogitationes, vel diversissimæ qua materiam, cum eodem nitantur naturæ instituto, ex eodem proficiscantur fonte, qua formam apprime consentiunt. Quamquam enim singulæ linguæ suas habent vocum significationes ac totas dictiones a communi

MONBODDO, "of the origine and progress of language, London 1773—1792," pluresque alii philosophi probare conati sunt linguam rationi humanæ ortum debere. Cfr. EICHHORN l. c. Cfr. omnino maxime Rev. E. G. MELARTIN "de Onomatopoëia Lingvæ Græcæ, P. I. Ab- 1204." — Complures (Cfr. FR. WILH & FR. WILH. DAN. SNELL, *Handbuch der Philosophie für Liebhaber*, Giesen 1809, 1 Th. p. 171. s.) opinantur hominem sonos rerum vel animalium vel inanimantium imitantem linguæ usum sensim didicisse. Praeclare rem proponit etiam Percel. J. G. LINSÉN *dissert. de ortu et incrementis linguae latinæ Resp.* HENR. GARDBERG, Aboæ 1811. P. I. p. 13. f. — Quod si quis hæc pro minus probatis habet, melius forte ei arridebit FR. SCHLEGEL (*über die Sprache und Weisheit der Indier*, Heidelberg 1808), qui (p. 60—70) medium inter utramque philosophorum partem tenere videtur.

b) Cfr. EICHHORN l. c. p. 16. — SCHLEGEL l. c. p. 52.

muni loquendi consuetudine ita recedentes, ut vix ad certas et definitas referri possint leges, sed diligentiori tantum lectione aut usu observari, disci ac memoriae infigi debeant; nihil tamen verius dici potest, quam quod inter omnes fere studii philologici peritiores convenit, miram scil. vocum conformatiōnem, variumque significationum usum et ad multas res inter se haud parum distantes translationem, gravissimo esse testimonio, semper in cogitando *legibus* quibusdam universalibus adstringi mentem humanam, atque ita in linguarum structura summam ejus vim inesse & ex illa conspiciendam proponi. — Ter igitur quaterque beatus, qui penitus in adyta oeconomiamque linguarum intrare valuit! Tabulam enim is arte pictam sollertissima oculis perlustrat, ubi non modo multa, quae ad mentis humanae naturam viresque indagandas conferunt, adumbrantur; verum etiam fata ac commercia notionum affinitatesque gentium ex ipsa linguarum, quibus haec utuntur, ratione effinguntur; quippe quae saepe unicum est monumentum antiquitatis, quo aditus ad genium sacerdorum contemplandum historiamque cognoscendam patet.

Quae cum ita sint, haud tamen eo asserimus linguam primo exorientem praecunte ratione, ut loquuntur philosophi, speculativa in medium pro-

diisse. Eadem homines ornati facultate cogitandi, eandem ingrediuntur viam sua communicandi cogitata. Quo vero arctior fuit usus gentium, eo amicior etiam deprehenditur cognatio linguarum, & contra. — Hac autem prolusione viam nobis jam munitam volumus ad cognitionem linguarum Græcæ & Teutonicæ ostendendam, quam, ut ratio rerum nostrarum postulat, speciminis loco pro modulo virium nostrarum probare conati sumus, Bonorum jam submittentes censuræ id, cui *limæ laborem & moram* deesse non ignoramus quidem, sed quod plenius tractari diligentiusque perfici non permisit ea, qua jam urgemur, festinatio.

---

Qui judicio utens critico linguas comparat Græcam & Teutonicam, utique animadvertet, ambarum vocabula, quo magis ob antiquitatem in desuetudinem venere, eo propius ad communem fontem accedere c). Belli pacisque commercia, quæ

---

c) Si alius genealogiam linguarum Græcæ ac Teutonicæ sequi studes, forsitan communem illarum matrem in lingua Sanscrit s. India asséqueris, viam præmuniente SCHLEGEL in libro laudato, qui non solum cognitionem linguae Indorum cum Persica, Græcanica, Romana & Teutonica perite probat, verum etiam illam his esse longe vetustiorem docte evincit, radicibus ex singulis linguis de promis inter se comparandis (p. 6—26), constructione formationeque vocum grammatica conferenda

quæ ab antiquissimis inde temporibus inter gentes Thracicam & Græcanicam obtinuerunt, varia vocabula ultro citroque communicare potuisse, non est infitiandum. Hunc autem unicum sufficere fontem, unde cognatio ista linguarum tota derivetur, persuadere nobis non possumus; verum a communī scaturigine ambas emanasse fidem nobis facit notabilis illarum harmonia. Testimoniis innixi omnium fere veterum Græciæ scriptorum *a*), quibus Hellenas ἀντόχθονας non fuisse, sed barbaris suam debuisse originem confirmatum est, Pelasgos primos Græciæ incolas, Scythicam gentem fuisse, quæ ex vicina Thracia in Græciam sese effuderit, ibique jam ante cataclysmum Deucalioneum imperium

(p. 27 – 43.), ac denique mythologia illarum gentium inter se concilianda (*Zweites & Drittes Buch*). Quod vero cum longius a proposito nostro distet, indicasse satis habemus.

- a)* In primis commemorandus est locus STRABONIS Geogr. L. VII. ΕΚΑΤΑΙΟΣ ΜΙΔΗΣΙΟΣ περὶ τῆς Πελοποννήσου φησίν, ὅτι πέρι τῶν Ἐλλήνων ὄκησαν αὐτὴν Βαρβάροι σχεδὸν δὲ τι καὶ οὐ σύμπασσα Ἐλλὰς πατομίας Βαρβάρων ὑπῆρξε το παλαιὸν, ἀπ' αὐτῶν λογιζομένοις τῶν μυμονευομένων. — Τὴν μὲν γὰρ Ἀττικὴν οἱ μετ' Εὐμόλπῳ Θράκες ἔσχον. — Plures in eandem loquitur sententiam HERODOTUS in Historia sua. Patet igitur vel hinc, quam parum mereatur fidem JUSTINUS Epit. Hist. L. II. c. VI. Græci, inquiens, eodem innati solo, quod incolunt, & quæ illis sedes, eadem origo est.

um tenuerit, non est quod dubitemus. Postquam vero de origine convenit, nec incertum esse poterit, qua lingua usi fuerint primi isti Graeciae incolæ, sua nempe, id est Thracica, vel si mavis Getica sive Gothica e). In definienda autem origine Germanorum magis quidem fluctuantur Historici.

---

e) Tam promiscue apud Scriptores antiquos obveniunt gentes: *Scythæ, Sarmatae, Thraces, Daci, Gepidae, Getæ, Goths* (fortassis Gothones TACITI), *Moesi, Alani*, pluresque confines, ut procul dubio non nisi propagines unus stirpis constituerint, quarum linguae si non eædem (*ομόγλωττοι*), certe sororæ erant, sive nomine tantum dialectorum inter se differebant. Magna fuit gens Scytharum incertisque sedibus, appellatque eos HORATIUS, Carm. Lib. I. od. XXXV. v. 9, & L. IV. od. XIV. v. 42, *profugos*. Multa horum nobis inclaruere per querulum NASONIS exsilium, qui de populis, inter quos tum versabatur, cant

*Grajaque quod Getico viðta loqua loquo sono.*

*Lib. Trist. V. Eleg. II. v. 68.*

*In paucis remanent Grajae vestigia linguae.  
Hæc quoque jam Getico barbara facta sono.*

*Eleg. VII. v. 51.*

*Exercent illi sociæ commercia linguae.*

*Eleg. X. v. 35.*

Cfr. BOTINS Svenska folkets Historia Stockh. 1729. I. B. p. 18—28. Innumera pro hac re loca Auctorum veterum excitari possent; satis vero habemus C. Lectorem ad J. IHRE, *Glossar. Sviogoth.* Proæm. p. VII. sqq. ablegare, qui fusius de iis disserit.

7

rici. Quod si vel ab ultimis terrarum primordiis discedimus, in quæ sagacissimo cuique Historico inquirere permittimus, a studio suarum rerum liber remque rite pensitans quivis facile ita concedet, Germaniæ quoque incolas e plagiis advenisse orientalibus, unde multas populorum sedes sibi quærentium migrationes sæculis circa æram Christianam utrinque pluribus, varias in terras factas esse constat, ut veteres etiam Germanos propagationem Scythicæ originis habeat f).

Hinc jam Pelasgos & Tuisconis cultores lingua usos fuisse si non eadem, certe proxime affini, nobis quidem fides exoritur. Linguae vero utriusque gentis variis postea obnoxiae fuerunt mutationibus praeter alia ex peregrinorum admistione oriundis. Sic lingua Pelasgorum multa recepit ex linguis advenarum ex Asia & Africa profectorum.

Teu-

---

f) TACITUS, *Lib. de morib. German.* c. 2. 4, Germanos indigenas minimeque aliarum gentium adventibus & hospitiis mixtos, arbitratus, magis pro nobis quam contra nos pugnare videtur. Eo enim omnem tollit opinionem Germanos aliis ex terris advectos esse, quam quæ vicinior erat, unde præter periculum horridi & ignoti maris Germaniam petere possent, puto Thraciam s. Scythiam. Neque multum nobis adversabitur, cui sive LUVERI (de Germania antiqua) sive STJERNHJELMI (Antiquuerius, Holmiae 1685.) castra sequi volupe fuerit.

Teutonica autem consuetudine gentium tam Latinarum quam Slavicarum multa suam in rem convertit. Proclivitatem igitur dialecti Saxoniae superioris (Hochteutsch) ad sonos sibilantes & gutturales magna ex parte ex linguis Slavorum derivandam esse censemus.

Quantamvis autem vim linguæ exoticæ in nostras transformandas habuerunt, multa tamen adhuc remanserunt vestigia, quæ, quo ea longius retro persequeris, eo propinquiorem produnt primævam earum necessitudinem. Exstat vel hodie monumentum ex antiquitate relictum, quod inter Græcam Gothicamque linguam intercedere cognationem multo evidentiorem ostendit, quam illi nostratum probabilem judicant, qui in Græca lingua discenda desudantes inter centena vocabula vix aut ne vix quidem unum alterumve primo intuitu sibi videntur offendere, quod cum Gothica affinitatem habeat. Versionem loquor Bibliorum ab ULPILA, Episcopo Gothorum in Moesia sæculo quarto, lingua Moesogothica concinnatam, quæ teste J. IHRE g) non solam verba sed & idiotismos cum Hellade fere communes habet, & quæ jam tum

g) Ejusdem *Glossar. Sviogoth. Proœm. p. XXIX, coll. p. XXXII.* Cui sententiae si calculum adjeceris, eis forsitan

tum (quindecim abhinc sæculis) faciem exhibit a-  
deo cultam & concinnam, ut ne Græcæ quidem  
& Latinæ quidquam concedat. — Quid autem mi-  
rum, si sæculis volventibus aliam atque aliam sum-  
serit faciem lingua Teutonica a sorore sua germana  
Græcanica diversam! Par enim est ratio linguarum  
ac nummorum, quorum eminentes imagines  
a tempore rerum edaci usque ita deroduntur de-  
terunturque, ut vel eruditis oculis difficile sit ea-  
rum dñoscere vim atque ætatem. Quod vel ei-  
dem linguae solo diurni temporis seu vitio seu  
virtute accidere, quisque mecum fatebitur, qui E-  
vangelia OTFRIDI circa tempus CAROLI MAGNI decem  
fere abhinc sæculis rhythmice conscripta inspexit.  
Nam nec linguae communi rerum omnium vicissi-  
tudini exemptæ sunt; quippe quæ non solum vi at-  
que caussis externis, sed sua natura, temporum &  
locorum intervallis adolescunt, con senescunt & in  
alias aliasque concedunt formas. Voces, accentus,  
pronuntiandi rationes, flexiones, locutiones & tro-  
pi indies mutantur.

B

Ut

refragaturus eris, qui ULPILAM litteras Gothicas (Ulphi-  
lanas) primum invenisse contendunt, quæ sane, utcumque  
res est, litteras Græcas eo usque referunt, ut nihil su-  
persit dubii, quin ex his sint ortæ Cfr *Evangelia ab UL-*  
*PHILA, Holmiae 1671, præfat. & tabellam, Glossario Ulphi-*  
*la-Gothico per FR. JUNIUM, Holmiae 1670, præfixam.*

*Ut silvæ foliis prinos mutantur in annos,  
Prima cadunt: ita verborum vetus interit ætas,  
Et juvenum ritu florent modo nata vigentque.*

— *Mortalia facta peribunt,  
Ne dum sermonum stet honos & gratia vivax.  
Multæ renascentur, quæ jam cecidere, cadentque,  
Quæ nunc sunt in honore vocabula, si volet usus,  
Quem penes arbitrium est & jus & norma loquendi h).*

Neque vero id te sollicitet, si radices ex linguis cognatis conferendæ interdum aliam ingressæ significationum seriem deprehenduntur. Tam varius enim est usus notionum etiam in eadem lingua, ut nisi legum peritus psychologicarum totam seriem & quasi scalam probe noveris, haud conciliare illas queas *i)*. Pari modo in diversis quoque ejusdem linguae dialectis accidit, ut in una hanc vox retinuerit notionem, in altera illam. — Si igitur jam in cognitione linguarum nostrarum indaganda rem tibi prospere succedere vis, oportet, ut celer non sis in sententia tua ferenda, verum disciso velamine, quod cuique rarius tantum adspectanti obtenditur, faciem earum ingenuam, qualis pluribus fuerit separatis temporibus, saepius in-

*h) HORAT. de Art. poet. v. 60—62. 63—72.*

*i) Cfr. CHR. DAHL, Gramm. Græc. Ups. 1809. p. 146. s.*

intuens, fidissima quæque lineamenta acutius inspicere coneris.

Jam vero grammaticen Græcam cum Teutonica comparantibus, primum quidem observare licet, utramque ad æqualem numerum *casuum* conspirasse, ubi Teutonica lingua aliam præ ceteris hodiernis hunc numerum vel non æquantibus vel longe superantibus viam in gratiam Græcæ calcasse videtur.

Neque leve addit pondus *numerus dualis*, qui testante IHRE k) etiam in lingua Moesogothica bocum habuit, jam vero temporis injuria detritus est in lingua Teutonica.

De Adjectivis vero quærentes, observamus ea in formandis *gradibus comparationis* similiter fere cadere in utraque lingua. Terminaciones enim Teutonum *er* & *est* facile oriri potuerunt e Græc. *τέρος* (abjecto *ος*) & *εστάτος* (abjecto *ατος*). — Cum Adjectiva sunt deducenda sive a Substantivis sive a Verbis, notabilis etiam comparet consensus terminationum Græc. *ικός* & Teut. *ig*, *ich*, *isch*, e. gr. *ἀνθρωπικός* *menschlich*, *τεχνικός*, *künstlich*, *πρακτικός*,  
B 2 be-

---

k) vid. Ejusdem, *Gloss. Sving. prooem. p. XX.* Cfr FR.  
SCHLEGEL I. c. p. 33.

*thunlich, ἐπιθυμητικός, begierig, τλητικός, geduldig, πονωνός, gesellig, ἀπατητικός, betrügerisch,*

Ad Verba jam animum attendentes, amicam conspicimus congruentiam: nempe exeunt *Infinitivi* Teut. in *en* & Græc. in *εν*, quod in dialecto Dorica s. Boeotica (ubi linguae prisciæ vestigia magis etiamnum exstant, quam in ceteris dialectis) fuit *εν* & *ην*, ut *τύπτεν* & *τύπτην*, pro *τύπτεν*, sic *λέγεν*, *τρέφεν*, *θεραπεύεν*, *σιγῆν*, *φιλεν* <sup>1)</sup>). — Neque in aliis linguis (quantum quidem nobis innotuit) tam frequens est *usus Infinitivi* (articulo præposito) *loco Substantivi*, quam in Græca & Teutonica.

Præ ceteris linguis in eo quoque Teutonica ad Græcam proxime accessisse videtur, quod mirum in modum *compositionibus vocum* delectatur. Facem quidem heic prætulisse videtur lingua Græca, quamvis Teutonica eam nondum æquiparare valeat, præsertim in Verbis componendis, verum circumlocutione utatur, ex. c. δάκτυλοι αὐθόδυνος, die Finger unter Schmerzen beugend, δαυτυπυνόθρεξ, rauch von dichten Haaren, βονδεομέν, im Laufen schreyen, φιξοφαγεῖν, Wurzeln essen.

Per-

1) E Dorica ista terminacione extiterunt ubique Infinit. Perf. Act., Aor. pass. & inf. Verborum in *μι*, apposito *αι* e. c. τετυφέναι, γξαφθῆναι, τιθέναι.

Permagna autem illa multitudo vocabulorum (præcipue primitivorum), quæ utriusque linguae sunt communia, omnium fere maximam habet vim ad cognitionem linguarum Græcæ ac Teutonicæ probandam, quorun vero numerosum heic attexere catalogum ideo supersedemus, quod alii jam ante nos hoc opere perfuncti sunt, v. c. J. A. KANNE *m*), A. ALBANUS *n*), cet. Nostram igitur rem melius illustrandi caussa, nonnulla tantum vocabula ex utraque lingua exempli loco depromenda & comparanda subjungere jam placet.

## Græca

Αὐγὴ  
Αὐρ (ἀὔσ)

## Teutonica

Auge *o*)  
Ohr *p*)

ΓεάΦεν

- m) Ejusdem über die Verwandschaft der griechischen und teutschen Sprache, Leipzig, 1804.*
- n) ejusdem Verzeichniss stamm- und sinn- verwandter Hoch-Deutscher, Lateinischer und Griechischer Wörter mit Erklärungen Riga 1812.*
- o) Profecto inagis conspicua nobis videtur cognatio inter αὐγὴ & auge, quam inter hoc & ὄνος, ut placet ABBA-NO l. c. l. Centurie, præsertim quum ἀυγάζομαι Hom. Il. XXIII: 458, etiam in notione videndi occurrat.*
- p) vid. J. G. SCHNEIDER, Krit. Griech. Deutsches Wörterbuch, Jena und Leipzig 1805, sub αὔσ, IHRE, Gloss, Sviog, sub ὥρα,*

Γράφειν	—	—	Graben <i>q)</i>
Εγρον	—	—	Werk <i>r)</i>
Χαίνειν	—	—	Gähnen
Πλεῖς	—	—	Fuss
Εἰκεῖν	—	—	Weichen
Βετυρόν	—	—	Butter
Γραῦς	—	—	Greis
Εζεῖν	—	—	Setzen
Πλέκειν	—	—	Flechten
Κείρειν	—	—	Scheeren <i>s)</i>

Δαμᾶν

- q)* In primis nostram in rei convertere licet regulam omnibus fere omnium lingvarum Grammaticis familiarem, litteras scil. ejusdem organi saepissime inter se alternari.
- r)* In dialecto Saxoniæ inferioris (Platteutsch) usitatum est etiamnum *werken*, quod τῷ ἔγγειν respondet. Est autem generatim monendum, in hac dialecto multo luculentiora extare vestigia originis Græcanicæ quam in ceteris, quippe quæ magis illibata atque immixta mansit. — De cetero haud dissimulandum, varias pro varia efferendi ratione τῷ digamma Æolicum (vid DAHL l. c. 106 s.) substitui consonantes in vicem ejusdem cum in dialectis Græcis tum in linguis affinibus, e. gr. αῆς, αὐῆς; ἐλας, σέλας; κάνης, καύης, κάβης; ἄμμος, σάμμος, ψάμμος; ὑς, σύς; θῆς, φῆς, fortassis ab antiquo ἥς s. ἄρ; ἐσθῆς, vestis; ὁῖς, οvis, μῆς, semi. Plura in sciagraphia nostra sequuntur exempla.
- s)* Sæpe etiam in ipsa Lingua Græca additur σ, e. gr. σκεδάζω, σκεδάζω, μικρός, σμικρός, ἔχω, ἔσχω, ἔπομαι, ἔσπομαι.

Δαμᾶν	—	—	Zâhmen <i>t)</i>
Εἴν	—	—	Gehen
Νέος	—	—	Neu
Στήναι	—	—	Stehen
Θῆρ	—	—	Thier
Αλς	—	—	Salz
Φαῦλος	—	—	Faul
Κάμπτειν	—	—	Kämpfen
Θύρα	—	—	Thür
Στενεῖν	—	—	Stöhnen
Σάττειν	—	—	Sättigen
Κυρῆν	—	—	Kohren (kühren)
Μιγεῖν	—	—	Mischen
Σχίζειν	—	—	Scheiden
Οὐθαρ	—	—	Euter
Δείκειν	—	—	Zeigen
Πύξις	—	—	Büchse
Εσθίειν	—	—	Essen
Εινα	—	—	Hemd
Τάζειν	—	—	Tasten <i>u)</i>

Cum

*t)* In dialecto Saxoniae inferioris *tūmen*. Ceterum etiam apud Græcos sæpe alternantur δ & ζ, e. gr. Φραδω, Φραζω, δύγος, ζύγος.

*u)* In dialecto Dorica σδ vice τε ζ fungi, monitu vix opus est.

Cum vero pertractatio materie latius  
pateat, quam ut paucis ipsis lineis absolvit queat,  
ad quas jam temporis angustia nos restringit, fi-  
lum abrumpimus, alio tempore, si fata tulerint,  
quod nunc exorsi sumus, pertexturi.